




# **Kommunedelplan for idrett, fysisk aktivitet og friluftsliv**

i Eidfjord kommune

2017-2020



## **Forord**

Formannskapet vedtok i møte 09.02.2015, saksnummer 009/15, å starta opp arbeidet med revisjon av kommunedelplan for idrett, fysisk aktivitet og friluftsliv. Innspel til planarbeidet er gjort gjennom samtale med lag og organisasjonar samt felles brev til interessentar.

Planen tek for seg både anlegg for idrett, fysisk aktivitet og friluftsliv, og er grunnlaget for å søkja om spelemidlar. Tidlegare plan for idrett og fysisk aktivitet er resultatvurdert. Planen inneheld eit kortsiktig handlingsprogram som årleg vert vurdert rullert etter ei samla vurdering av framdrift og eventuelle nye føresetnader og behov. I tillegg inneheld planen eit uprioritert handlingsprogram.

I planprosessen er det lagt vekt på medverknad frå organisasjonar, institusjonar og andre for synspunkt og innspel til planen. Dette gjeld nye anlegg, rehabilitering, nærmiljøanlegg, friluftsanlegg og fysiske aktivitetar.

Eidfjord, okotber 2016

**Innhold:**

|  |           |
|--|-----------|
| <b>1 Innleiing</b>   | <b>4</b>  |
| <b>1.1 Bakgrunn</b>  | <b>4</b>  |
| <b>1.2 Definisjonar</b>  | <b>4</b>  |
| <b>2.Utviklingstrekk i kommunen</b>  | <b>5</b>  |
| <b>2.1 Folketalsutvikling</b>  | <b>6</b>  |
| <b>2.2Busetjingsmønster</b>  | <b>6</b>  |
| <b>2.3Reiseliv og bulyst</b>   | <b>7</b>  |
| <b>3. Målsetjing for kommune sin idretts- og friluftspolitikk</b>                      | <b>7</b>  |
| <b>3.1Relevante målsetjingar i kommune sin kommuneplan</b>                             | <b>7</b>  |
| <b>3.2Overordna målsetjing for kommunedelplan for idrett og fysisk aktivitet</b>       | <b>8</b>  |
| <b>3.3 Delmål</b>  | <b>8</b>  |
| <b>4 Verkemiddel</b>   | <b>8</b>  |
| <b>4.1Statlege verkemiddel</b>   | <b>8</b>  |
| <b>4.2Fylkeskommunale verkemiddel</b>  | <b>9</b>  |
| <b>4.3Kommunale verkemiddel</b>  | <b>9</b>  |
| <b>5 Resultatvurdering av tidlegare plan</b>   | <b>9</b>  |
| <b>6 Tilhøve til andre kommunale planar</b>  | <b>10</b> |
| <b>7 Planprosessen</b>   | <b>10</b> |
| <b>8 Status i Eidfjord kommune</b>   | <b>11</b> |
| <b>8.1Registrering av anlegg og friluftsliv</b>  | <b>11</b> |
| <b>8.2Registrering av aktivitet</b>  | <b>13</b> |
| <b>9 Analyse av behov for aktivitet og anlegg</b>                                      | <b>14</b> |
| <b>9.1Regionalt samarbeid</b>  | <b>14</b> |
| <b>9.2Skulen si rolle</b>  | <b>14</b> |
| <b>9.3 Ordinære anlegg</b>   | <b>14</b> |
| <b>9.4 Nærmiljøanlegg</b>  | <b>17</b> |
| <b>9.5 Friluftsliv</b>   | <b>17</b> |
| <b>9.6 Fysisk aktivitet</b>  | <b>19</b> |
| <b>10 Prioritert handlingsplan</b>   | <b>20</b> |
| <b>10.1Spelemiddelordninga</b>   | <b>20</b> |
| <b>10.2Handlingsplan for anlegg og område for idrett og friluftsliv 2011-2014</b>      | <b>22</b> |
| <b>11 Handlingsplan for fysisk aktivitet</b>   | <b>23</b> |
| <b>12 Uprioritert liste over langsiktige behov for idrettsanlegg og friluftsområde</b> | <b>23</b> |

## 1. Innleiing

Denne planen er ein tematisk plan for idrett, friluftsliv og fysisk aktivitet i Eidfjord kommune. Rådmannen finn det formålstenleg og leggja til friluftsliv i tittelen på planen då dette tema er ein del av innhaldet. Planen gjeld i 4 år og skal vurderast rullert i samband med kommunal planstrategi. Det fireårige handlingsprogrammet vert rullert kvart år eller ved behov.

Planen syner kommunen sitt arbeid og prioriteringar for idrett, fysisk aktivitet og friluftsliv.

Planen er eit styringsverktøy for bygging, rehabilitering og vedlikehald av idrett-, friluftsliv- og nærmiljøanlegg og fysiske aktivitetar. Planen omfattar også organisasjonseigde/ private anlegg.

### 1.1 Bakgrunn

Kultur- og kyrkjedepartementet stiller krav til kommunane om godkjent kommunedelplan for utbygging av anlegg og område for idrett- og friluftsliv for å kunna søkja om spelemidlar til slike anlegg. Eidfjord kommune utarbeidde sin første plan i 1999 med rullering i 2002, 2004, 2005 og 2011.

### 1.2 Definisjonar

#### Idrett

Idrett vert definerast som aktivitet i form av trening, eller konkurranse i den organiserte idretten

#### Fysisk aktivitet

Fysisk aktivitet vert definert som eigenorganiserte trenings- og mosjonsaktiviteter, som òg gjeld friluftsliv og aktivitetar prega av lek

#### Friluftsliv

Klima- og miljødepartementet definerer friluftsliv som opphald og fysisk aktivitet i friluft, i fritida, med sikte på miljøforandring og naturopplevingar. Kulturdepartement har valt å la friluftsliv inngå i omgrepet fysisk aktivitet.

Departementet definerer i følgjande kategoriar kva anlegg det kan søkjast om spelemidlar til:

### Nærmiljøanlegg

Med nærmiljøanlegg er meint anlegg eller område for eigenorganisert fysisk aktivitet, hovudsakleg i tilknytning til bu- og/eller opphaldsområde. Med nærmiljøanlegg er meint berre utandørsanlegg, dvs. anlegg utan tak.

### Ordinære anlegg

Ordinære anlegg vil seie anlegg for organisert idrett og fysisk aktivitet og eigenorganisert fysisk aktivitet. Det kan søkast tilskot til bygningar og/eller rehabilitering av idrettsanlegg som er opne for almen idrettsleg verksemd (idrett og fysisk aktivitet for alle), og som ikkje er underlagt fortenebasert eigarformer.

### Nasjonale anlegg

er anlegg som tilfredsstillar tekniske og funksjonelle standardkrav for avvikling av relevante internasjonale meisterskap.

### Friluftsanlegg

Kategorien omfattar t.d heilårsløyper med lys, turløyper/stigar, turvegar og skiløyper, turkart, dagsturhytter, og sanitæranlegg til aktivitetsanlegg.

Ingen anlegg i Eidfjord kommune har status som nasjonale anlegg

## **2. Utviklingstrekk i kommunen**

Folketalsutviklinga er avgjerande når behovet for nye friluft- og idrettsanlegg skal vurderast. Folketal, aldersfordeling og busetjingsmønster må leggjast til grunn når det skal avgjerast kor mange og kva type anlegg kommunen skal ha. Det må takast omsyn til at reiseliv er hovudsatsingsfeltet for næringsutvikling i kommunen. Difor bør visse friluft og idrettsanlegg tilretteleggast med tanke på det.

## 2.1 Folketalsutvikling

|                   | 2014 | 2018 | 2022 | 2026 |
|-------------------|------|------|------|------|
| Totalt            |      |      |      |      |
| 0-5 år            | 60   | 55   | 60   | 60   |
| 6-15 år           | 100  | 102  | 98   | 106  |
| 16-66 år          | 619  | 627  | 617  | 600  |
| 67 år eller eldre | 171  | 175  | 192  | 213  |

## 2.2 Busetjingsmønster 2000 - 2015

### Grunnkrinsane i kommunane

Variablar i filter:

Måltal, Innbyggjarar

| Tid                     | 2000  | 2005 | 2010 | 2011 | 2012 | 2013 | 2014 | 2015 |
|-------------------------|-------|------|------|------|------|------|------|------|
| Geografi                |       |      |      |      |      |      |      |      |
| Eidfjord                | 1,037 | 914  | 958  | 959  | 957  | 952  | 950  | 950  |
| 12320101 Erdal/Indre bu | 44    | 50   | 57   | 56   | 51   | 53   | 51   | 49   |
| 12320102 Vik/Lægreid    | 338   | 291  | 297  | 291  | 294  | 287  | 290  | 289  |
| 12320103 Hereid         | 362   | 322  | 360  | 369  | 361  | 359  | 361  | 364  |
| 12320104 Varberg        | 135   | 115  | 114  | 116  | 119  | 122  | 113  | 112  |
| 12320105 Sæbø/Lund      | 85    | 70   | 65   | 61   | 63   | 60   | 67   | 72   |
| 12320106 Sysendalen     | 63    | 58   | 52   | 53   | 53   | 55   | 52   | 51   |
| 12320107 Simadalen      | 10    | 8    | 13   | 13   | 16   | 15   | 14   | 11   |

## 2.3 Reiseliv og bulyst

Eidfjord er ein reiselivskommune og reiselivsnæringa står for ein stor del av sysselsetjinga og verdiskapinga i kommunen. Med sitt store utmarksareal og nærleik til Hardangervidda har organisert og uorganisert friluftsliv eit stort utviklingspotensiale i reiselivsamanheng. Sysendalen, som ligg ved innfallsporten til Hardangervidda, er prioritert som utbyggingsområde for fritidshytter. Dalen har i dag om lag 1200 hytter og gjeldande kommuneplan opnar for stor auke i hyttetalet. Tiltak for å styrkja Sysendalen sin posisjon som friluftsliv- og aktivitetsområde må setjast i verk i samspel mellom utbyggjarar, næringsliv, hytteeigarar og kommunen. Sti- og løypeplanen for Sysendalen har fastsett hovudstrukturen for sti- og løypenettet, og er innarbeidd i forslag til kommunedelplanen for Sysendalen.

Eidfjord kommune har også eit ansvar for å leggja til rette for innbyggjarane si velferd. Innsatsen til frivillig lagsliv og enkeltpersonar er viktige faktorar når det gjeld trivsel og bulyst, og desse gjer ein stor innsats i Eidfjord og er viktige medspelarar. Generelt er det eit aukande folkehelseproblem at mennesket utviklar livsstilsjukdomar mellom anna på grunn av for lite fysisk aktivitet. Erfaring og forskning syner at fysisk aktivitet har ein positiv verknad på folk si fysiske, sosiale og mentale helse. Difor er kommunen sin idretts- og friluftspolitikk også avgjerande for mange si helse og trivsel.

## 3 Målsetjing for kommunen sin idretts- og friluftspolitikk

### 3.1 Relevante målsetjingar i kommuneplan en sin samfunnsdel 2017-2020

I kommuneplanen er det formulert langsiktige målsetjingar som er relevante for denne planen:

\* Kommunen skal:

- Bidra til ei samfunnsutvikling som fremjar folkehelse, og som jamnar ut sosiale helseskilnader. Folkehelsearbeidet er sektorovergripande, og har som mål at folkehelseperspektivet skal inn i alle delar av kommunen sitt virke.
- ha fleire tiltak som fremjar fysisk aktivitet
- ha eit mangfald av aktivitetstilbod til alle aldersgrupper
- leggja til rette for friluftsliv
- ha aktive innbyggjarar som har fokus på eigen helse
- syta for idrett og kultur har ein viktig rolle i det offentlege
- ha fokus på aktivitetar som er berekraftig
- ha areal til disposisjon som legg til rette for rekreasjon/møteplasser
- forsterke og vidareutvikla skitrekke, løypekøyering og turstiar i Sysendalen

### 3.2 Overordna målsetjing for kommunedelplan for idrett og fysisk aktivitet

Satsinga for Eidfjord kommune er å legge til rette for fysisk aktivitet, både som førebyggjande helsearbeid, som attraktiv fritidssyssele og som profilering av Eidfjord som attraktiv bu-, opplevings- og besøks og arbeidskommune.

### 3.3 Delmål

- Barn og unge skal ha tilbod og stimulerast til deltaking i idrett, friluftsliv og fysisk aktivitet i skular, SFO, barnehagar og på fritida nær buområda.
- Folkehelseperspektivet skal implementerast i alle deler av kommunen sitt planarbeid.
- Få dei fleste innbyggjarane i aktivitet kvar dag. Spesielt utsette grupper i befolkninga skal ha særleg fokus.
- For å nå nye grupper og tilreisande må det satsast på informasjon og formidling.
- Ved utarbeiding av kommune- og reguleringsplanar skal det innarbeidast areal og anlegg for idrett, leik og friluftsliv som del av bumiljøet. Plane skal også sikra ålmenta tilgang til turstigar, skiløyper, friluftsliv og aktivitet.
- Skuleverket, reiselivet, idretten og friluftslivet sitt behov for areal og anlegg bør samordnast.
- Alle anlegg skal ha universell utforming.
- Ha fokus på energi og miljø ved bygging og drift av anlegg til idrett og friluftsliv
- Godkjente vedlikehalds- og opprustings planar skal finnast for alle eksisterande anlegg
- Sikra allmenn tilgang og merking av turstigar, skiløyper og forpliktande grunneigaravtalar er avgjerande
- Tilrettelegging, merking og drift av turstigar, sykkelløyper og skiløyper må gjennomførast etter standardisert merkemal og felles skiltssystem.

## 4. Verkemiddel

For å stimulera til utvikling av idrett og fysisk aktivitet har både stat, fylke og kommune økonomiske verkemiddel.

### 4.1 Statlege midlar

Kultur- og kyrkjedepartementet forvaltar ein tredjedel av overskotet frå Norsk Tipping AS (spelemidlar). Om lag halvparten av midlane er avsett til idrettsføremål og går til idretts- og friluftsanlegg i kommunane. Midlane vert kanalisert gjennom fylket og kommune.

10% av spelemidlane går til lokale idrettslag og deira arbeid for barn og unge.

Miljøverndepartementet har tilskots- og låneordningar til aktivitetsføremål, stimulering og tilrettelegging innan friluftsliv.

Landbruksdepartementet har eigne stønadsordningar for miljøtiltak i landbruket. Dette gjeld også for stigar, turveggar og informasjonstavler.



#### **4.2 Fylkeskommunale verkemiddel**

Fylkeskommune kan gje tilskot til ordnære anlegg, friluftsanlegg og nærmiljøanlegg etter søknad.

#### **4.3 Kommunale verkemiddel**

Eidfjord kommune vurderer kvart år tilskot til lag og organisasjonar til sin aktivitet innanfor idrett etter søknad. I tillegg har me utviklingstipend for unge idrettstallenter og kulturfond som gir tilskot til idrett og kutursatsting.

Eidfjord kommune har ansvar for kommuneale idrettsanlegg og betaler for drift av desse. Eidfjord kommune leiger ut eit kommunalt skisenter til privat driftselskap.

### **5 Resultatvurdering av tidlegare plan**

Kommunedelplan for idrett og fysisk aktivitet 2011 vart vedteken i kommunestyret 13.12.2010.

Handlingsprogrammet har vore rullert etter behov. Handlingsprogrammet har fungert som eit styringsverktøy både for frivillige organisasjonar og kommunen.

**I løpet av planperioden(2011-2016) har kommune motteke spelemidlar for og realisert følgjande:**

- Sysendalen Minitrekk, Maurset
- Sysendalen skibakke, Maurset
- Sysendalen varmestove, Maurset

**Oppgradering og nye anlegg som har vore gjennomført med tilskot frå kommunale og private midlar som er nemnd i kommunedelplanen :**

- Tiltak for skilting av ski- og turstiar Sysendalen
- Rehabilitering av badeplass Kårkeskarvet
- Lakking og rehabilitering av golvet i Eidfjord idrettshall
- Nytt garderobesystem i Eidfjord idrettshall
- Ny garasje til tråkkemaskiner til Sysendalen Skisenter AS

**Andre oppgraderingar og nye anlegg som ikkje har vore del av kommunedelplanen:**

- Marina med utviding av molo i Eidfjord
- Oppgradering av turveg frå Kvednavegen via vassbakkane til Hæreid og ut til Hodna

- Nytt toalettanlegg langs Eio mot Eidfjord vatnet
- Universell utforming av promenade langs fjorden i Eidfjord
- Nytt toalettanlegg og renovasjon av skyttarhus i Ø. Eidfjord

## 6 Tilhøve til andre kommunale planar

Arealdelen i kommuneplanen vart ferdig hausten 2011. Følgjande arealbehov til idretts- og friluftsanlegg er teke med i denne planen:

- Leirduebane
- Gang- og sykkelveg
- Samordna arealbruk i Simadal inklusive motorsportsanlegg i Simadal
- Utviding av alpinbakke på Maurset

## 7 Planprosessen

Planen er handsama i samsvar med plan og bygningslova

| Dato        | Aktivitet  |
|-------------|--|
| 09.02.15    | Vedtak i formannskapet om Eidfjord kommune startar opp med revisjon av kommunedelplan for idrett og fysisk aktivitet med heimel i plan- og bygningslova § 11-1 |
| 12.02.2015  | Kunngjering av vedtak på kommune si heimeside i lokal avisa og ved oppslag. Utsending til lag og organisasjonar. Frist for innspel 20.04.2015                  |
| 11.06.15    | Utsending til lag og organisasjonar. Frist for innspel 17. 08.15   |
| 07.09.15    | Møte med leiar i EIL   |
| 30. 09. 15  | Intern møte med ass.rådmann, rep.KTD Arne Bu, kommunelege Torbjørn Bjøtveit, plansjef Gunnar Elnan, kultursjef Lisbeth Bygstad Celik                           |
| 15.10.15    | Møte med byggansvarleg i KTD   |
| 21. 10. 15  | Møte med Idrettssjef Britt Karen Spjeld i Hordaland Fylkeskommune  |
| 23.10.15    | Møte med leiar i EIL og leiar av Fotballgruppa i EIL   |
| 23.11.15    | Framlegg til plan vert handsama i formannskapet/planutvalet  |
| 01.01.2016  | Høyringsperiode  |
| 19.12..2016 | Vedtak i kommunestyret   |

## 8. Status i Eidfjord kommune

### 8.1 Registrering av anlegg og friluftsliv

Eksisterende anlegg etter gjeldende database:

| Anleggsenheit                          | Anleggsnr. | Status       | Anleggsklasse  | Anleggskategori     | Anleggstype                | Universell utforming |
|--|------------|--------------|----------------|---------------------|----------------------------|----------------------|
| Kvednavegen balløkke                   | 1232001601 | Eksisterende | Nærmiljøanlegg | Aktivitetsanlegg    | Balløkke                   | Ikkje vurdert        |
| Øvrehagen balløkke                     | 1232001701 | Eksisterende | Nærmiljøanlegg | Aktivitetsanlegg    | Balløkke                   | Ikkje vurdert        |
| Demmevasshytta                         | 1232000501 | Eksisterende | Kommuneanlegg  | Friluftsliv         | Overnattingshytte          | Ikkje vurdert        |
| Dragøyfjorden- hytta                   | 1232002101 | Eksisterende | Kommuneanlegg  | Friluftsliv         | Overnattingshytte          | Ikkje vurdert        |
| Eidfj. Idr.anl.-rullebrettbane         | 1232000106 | Nedlagt      | Nærmiljøanlegg | Aktivitetsanlegg    | Ulike småanlegg            |                      |
| Eidfjord idrettsplass gressbane        | 1232000101 | Eksisterende | Kommuneanlegg  | Fotballanlegg       | Fotball gressbane          | Ikkje vurdert        |
| Lægreid skule symjebasseng             | 1232000104 | Eksisterende | Kommuneanlegg  | Bad og svømmeanlegg | Svømmebasseng              | Ikkje vurdert        |
| Eidfjord idrettsanlegg                 | 1232000105 | Eksisterende | Kommuneanlegg  | Aktivitetssal       | Gymnastikksal              |                      |
| Eidfjord idrettsplass friidrettsområde | 1232000102 | Eksisterende | Kommuneanlegg  | Friidrettsanlegg    | Friidrett grusbane         | Ikkje vurdert        |
| Eidfjord idrettsplass grusbane         | 1232000103 | Eksisterende | Kommuneanlegg  | Fotballanlegg       | Fotball grusbane           | Ikkje vurdert        |
| Gamle Sandhaug hytta                   | 1232002701 | Eksisterende | Kommuneanlegg  | Friluftsliv         | Overnattingshytte          | Ikkje vurdert        |
| Fysikalsk trimrom                      | 1232001901 | Eksisterende | Kommuneanlegg  | Aktivitetssal       | Trimrom/helsestudio        |                      |
| Eidfjord kommune terapibasseng         | 1232001902 | Eksisterende | Kommuneanlegg  | Bad og svømmeanlegg | Svømmebasseng              | Ikkje vurdert        |
| Hadlaskard hytta                       | 1232000601 | Eksisterende | Kommuneanlegg  | Friluftsliv         | Overnattingshytte          | Ikkje vurdert        |
| Heisanntjønbu                          |            | Eksistrande  | Kommuneanlegg  | Friluftsliv         | Overnattingshytte          | Ikkje vurdert        |
| Hjølmodalen tursti                     | 1232001101 | Eksisterende | Kommuneanlegg  | Friluftsliv         | Tursti                     |                      |
| Øvre Eidfjord skytebane NVE            | 1232000804 | Eksisterende | Kommuneanlegg  | Skyteanlegg         | Skytebane (inne)           |                      |
| Kjeldebu                               | 1232003001 | Eksisterende | Kommuneanlegg  | Friluftsliv         | Overnattingshytte          | Ikkje vurdert        |
| Krobu                                  |            | Eksisterende | Kommuneanlegg  | Friluftsliv         | Overnattingshytte          | Ikkje vurdert        |
| Kråkeskarvet bade plass                | 1232000901 | Eksisterende | Kommuneanlegg  | Friluftsliv         | Bade plass                 |                      |
| Kråkeskarvet sanitærannlegg            | 1232000903 | Eksisterende | Nærmiljøanlegg | Friluftsliv         | Friluftsliv ikkje definert | Ja                   |
| Lågerhø- hytta                         | 1232002201 | Eksisterende | Kommuneanlegg  | Friluftsliv         | Overnattingshytte          | Ikkje vurdert        |
| Langavasshadle- hytta                  | 1232002301 | Eksisterende | Kommuneanlegg  | Friluftsliv         | Overnattingshytte          | Ikkje vurdert        |
| Langavasshadle- hytta                  | 1232002501 | Eksisterende | Kommuneanlegg  | Friluftsliv         | Overnattingshytte          | Ikkje vurdert        |

|                                   |            |              |                |                  |                           |               |
|-----------------------------------|------------|--------------|----------------|------------------|---------------------------|---------------|
| Lysløype på Garden                | 1232000401 | Nedlagt      | Kommuneanlegg  | Skianlegg        | Skiløype                  |               |
| Måbø- galdane                     | 1232001001 | Eksisterende | Kommuneanlegg  | Friluftsliv      | Tursti                    |               |
| Nedrehagen nærmiljøanlegg         | 1232001501 | Eksisterende | Nærmiljøanlegg | Aktivitetsanlegg | Ulike småanlegg           |               |
| Rembesdal turhytte                | 1232002901 | Eksisterende | Kommuneanlegg  | Friluftsliv      | Overnattingshytte         | Ikkje vurdert |
| Sandva hytta                      | 1232001801 | Eksisterende | Kommuneanlegg  | Friluftsliv      | Overnattingshytte         | Ikkje vurdert |
| Sandhaughytta                     | 1232000701 | Eksisterende | Kommuneanlegg  | Friluftsliv      | Overnattingshytte         | Ikkje vurdert |
| Simadalen- Tveit- Liseth          | 1232001301 | Eksisterende | Kommuneanlegg  | Friluftsliv      | Tursti                    |               |
| Eidfjord Småbåthavn               | 1232002801 | Eksisterende | Kommuneanlegg  | Vannsportanlegg  | Flytebrygge               | Ikkje vurdert |
| Stigstuv fjellstyrehytta          | 1232002401 | Eksisterende | Kommuneanlegg  | Friluftsliv      | Overnattingshytte         | Ikkje vurdert |
| Tinnhølen hytta                   | 1232002001 | Eksisterende | Kommuneanlegg  | Friluftsliv      | Overnattingshytte         | Ikkje vurdert |
| Sysendalen varmestove, Maurset    | 1232000304 | Eksisterende | Kommuneanlegg  | Idrettshus       | Idrettshus                | Ikkje vurdert |
| Sysendalen skibakke, Maurset      | 1232000301 | Eksisterende | Kommuneanlegg  | Skianlegg        | Alpinanlegg               | Ikkje vurdert |
| Sysendalen køyrebue, Maurset      | 1232000302 | Eksisterende | Kommuneanlegg  | Idrettshus       | Lagerbygg(ikkje spes      | Ikkje vurdert |
| Sysendalen garasje, Maurset       | 1232000303 | Eksisterende | Kommuneanlegg  | Idrettshus       | Lagerbygg(ikkje spes      | Ikkje vurdert |
| Øvre Eidfjord skytebane 100m      | 1232000801 | Eksisterende | Kommuneanlegg  | Skyteanlegg      | Skytebane (ute)           | Ikkje vurdert |
| Øvre Eidfjord skytebane 200 m     | 1232000802 | Eksisterende | Kommuneanlegg  | Skyteanlegg      | Skytebane (ute)           | Ikkje vurdert |
| Simadal- Kjeåsen tursti           | 1232001201 | Eksisterende | Kommuneanlegg  | Friluftsliv      | Tursti                    |               |
| Eidfjord turkart                  | 1232003101 | Eksisterende | Kommuneanlegg  | Kart             | Turkart                   | Ikkje vurdert |
| Eidfjord folkebibliotek           | 1232003201 | Eksisterende | Kommuneanlegg  | Kulturbygg       | Kulturbygg – Bibliotek    |               |
| Eidfjord idrettshall              | 1232003301 | Eksisterende | Kommuneanlegg  | Flerbrukshall    | Flerbrukshall, normalhall |               |
| Bu grendahus, nærmiljøanl.        | 1232003401 | Eksisterende | Nærmiljøanlegg | Aktivitetsanlegg | Ulike småanlegg           |               |
| Eidfjord idr. Anlegg, ballbinge   | 1232000107 | Eksisterende | Nærmiljøanlegg | Aktivitetsanlegg | Ballbinge                 |               |
| Eidfjord turstier                 | 1232003501 | Eksisterende | Kommuneanlegg  | Friluftsliv      | Tursti                    |               |
| Tursti Simadal                    | 1232003601 | Eksisterende | Kommuneanlegg  | Friluftsliv      | Tursti                    |               |
| Eidfjord- turkart                 | 1232003502 | Eksisterende | Kommuneanlegg  | Kart             | Turkart                   |               |
| Eidfjord sandvolleyballbane       | 1232003701 | Eksisterende | Nærmiljøanlegg | Aktivitetsanlegg | Sandvolleyballbane        | Ja            |
| Sæbø skule                        | 1232000202 | Eksisterende | Kommuneanlegg  | Aktivitetssal    | Gymnastikksal             | Ikkje vurdert |
| Sæbø skule                        | 1232000201 | Eksisterende | Nærmiljøanlegg | Aktivitetsanlegg | Ulike småanlegg           | Ikkje vurdert |
| Viersla- hytta                    | 1232002601 | Eksisterende | Kommuneanlegg  | Friluftsliv      | Overnattingshytte         | Ikkje vurdert |
| Varbergshaugen- hengebru i Bjoeia | 1232001401 | Eksisterende | Kommuneanlegg  | Friluftsliv      | Tursti                    |               |

## 8.2 Registrering av aktivitet

### Organisert idrett

Medlemstal i Eidfjord idrettslag og er basert på opplysningar gitt i august 2014.

| Organisasjon                 | Antal under 19 år | Antal over 19 år | Totalt |
|------------------------------|-------------------|------------------|--------|
| <b>Eidfjord idrettslag:</b>  | 97                | 128              | 225    |
| Fotball                      | 52                | 32               | 84     |
| Areobic /trim                | 8                 | 32               | 42     |
| Volleyball                   | 8                 | 22               | 30     |
| Terrengløp                   | 49                | 0                | 49     |
| Klatring                     |                   |                  |        |
| Thriatlon                    | 6                 | 2                | 8      |
| Ski                          | 98                | 18               | 116    |
| Spinning                     | 9                 | 52               | 61     |
| RC-motorgruppe               | 10                | 10               | 20     |
| Turn                         |                   |                  |        |
| Badminton                    | 2                 | 5                | 7      |
| Ski karusell                 |                   |                  |        |
| Eidfjord Vøtra cup           |                   |                  |        |
| <b>Andre organisasjonar:</b> |                   |                  |        |
| Eidfjord skyttarlag          | 14                | 115              | 141    |
| Eidfjord båtlag              |                   | 100              | 100    |
| Eidfjord jakt&fiskelag       | 3                 | 13               | 16     |
| Sykkel og Ciderklubb         |                   |                  | ukjent |

### Eigenorganisert fysisk aktivitet

Kommunen har ingen oversyn over tal for eigenorganisert idrett og fysisk aktivitet. Fleire av organisasjonane har tilbod om friluft-,trim og idrettsaktivitetar som del av verksenda.

Innan kommunen er det store område som inviterer til eit aktivt friluftsliv både vinter og sommar. Det er tilrettelagt for eigenaktivitet på ulike arenaer:

- Kommunen har opparbeidd nærmiljøanlegg for sandvolley, ballbinge, merka stigar og leikeområde. I samband med turstig langs elva i Simadal er det tilrettelagt for fiske for rørslehemma.
- Kommunen krev at det skal avsetjast areal for leik i nye bustadfelt
- I Eidfjordhallen er det oppretta tilbod om trening i styrkerommet. I 2015 vart det selt 20 årskort, 16 halvtårskort og 2 månadskort.
- Eidfjordhallen og symjebassenget kan, på gitt vilkår, leigast til privat trening
- Kommunen gir tilbod om offentleg bading 2 dagar i veka i perioden september –mai

- Arrangement som ”Minitriathlon” samlar mange ivrige trimlag. Arrangementet er den lokale delen av Isklar Norseman Extreme Triathlon. XremeEidfjord arrangerer Expedition Amundsen og Hardangervidda Marathon

## 9. Analyse av behov for aktivitet og anlegg

Eidfjord kommune har god dekning med anlegg og område innan ulike idretts- og friluftaktivitetar. Dei fleste anlegga ligg i nærleiken av bu-område. Organisasjonane sine behov for inne- og ute anlegg er koordinert med skulen sine behov for anlegg.

### 9.1 Regionalt samarbeid

Eidfjord kommune har saman med Rådmannsforum i Hardanger teke initiativ til å oppretta Hardanger Friluftsråd. Dessverre vart det nedstemt i Hardangerrådet sitt rådmannsforum, og er derfor ikkje etablert.

### 9.2 Skulen si rolle

Grunnskulen spelar ei viktig rolle for idrett og fysisk aktivitet. Skulen samlar alle og har haldningsskapande påverknadskraft gjennom kroppsøvingfaget, lek og aktivitetar og som samlande faktor utanom skuletida. Skulen tek hand om barna i ein svært viktig periode for utvikling av fysisk ferdigheiter og eigenskapar. Barneskulealderen, spesielt 10-12årsalderen er kalla ”gullalderen” for utvikling av motoriske ferdigheiter. Ungdomsskuletida er ei brytingstid på mange område. Større krav til skulefag og nye interesser fører ofte til mindre fysisk aktivitet. Idretten opplever stort fråfall i denne perioden.

Kommunen har eit særleg ansvar for leggja til rette for uteområdet slik at fysisk aktivitet kan drivast i samband med læreplanane. Skulen bruker grusbana til ulike aktivitetar som slåball, fotball, sykkelløp, ski, Trivsels Leiar aktivitetar, og i gymnastikk. Ballbingen vert brukt både i undervisningssamanheng og i friminutta.

### 9.3 Ordinære anlegg

#### Eidfjord Idrettsanlegg

Eidfjordhallen vart bygd ved hjelp av tippemidlar og vart offisielt opna i desember 2000. Eidfjord kommune driv styrkerommet i bygget og Eidfjord idrettslag har ansvar for anna treningsaktiviteter i hallen. Ein bør vurdere om idrettshallen har dei fasilitetar knytt til dagens standar, behov og ønskjer.

## Alpint

Alpint er populært for deler av befolkninga og særleg barn og unge. Sysendalen skisenter er einaste anlegget i kommunen. Anlegget vart rusta opp med snøkanoner for nokre år sidan, men treng ei større rehabilitering for å stetta kravet til eit tidsriktig og funksjonelt anlegg. Eit fyrste steg i denne utbetringa var ny barneheis i 2013.

Anlegget er eit tilbod både til innbyggjarane, hytteigarar og tilreisande. Anlegget har ei familievenleg profil og manglar meir utfordrande trasear. Det er laga skisser for vidare utbygging av skisenteret på Maurset opp mot Grytehoggi.

## Langrenn

Idrettslaget har nytta deler av gang/sykkelvegstraseen på Maurset til lysløyperenn. Nærleiken til Rv 7 og parkeringsplassar gjer at trasseen ikkje er optimal. Skigruppa i Eidfjord IL arrangerer ski karusell 4 fredagar i vinterhalvåret. Det vert òg arrangert «Eidfjord mesterskap», der det er skirenn både på alpint og langrenn. Det er trong for sikring av deler av ljosløype som går langs Rv 7.

Idrettslaget, i samarbeid med grunneigar, planla nytt anlegg med lysløype og skileik på Høl og dette er regulert i reguleringsplanen for området. EIL har seinare vurderte i 2011 at det vert ei for stor oppgåve for dei å ta på seg. Klimaet gjer at det sjeldan er snøtilhøve for ski i bygda. Det er likevel kome initiativ frå private om å trække løyper med sporsetter. Næraste området for sikker snø er i Sysendalen om lag 20 minuttar køyring frå kommunesenteret. Det er stort behov for å knyta løypenettet saman. Plan over dette er skissert i sti- og løypeplanen. Skianlegget bør også tilretteleggast for sykkelløype i alpinbakken på Maurset.

## Fotball

Fotballsporten i Eidfjord har varierende oppslutnad. Små årskull skapar vanskar med å etablera lag og andre fritidsaktivitetar konkurrera om merksemda. Kommunen har to anlegg, ein grasbane og ein grusbane. I tillegg har idrettslaget avtale med Statkraft om å nytta deler av grasbakken i Simadal under den årlege småbanecupen. Det er òg inngått avtale med Statkraft om å erverve grunn i Sima til eit permanent toalettanlegg. EIL skal sjølv finansiere dette anlegget.

I tillegg finnes ball-plassar i Øvre Eidfjord og ved leikeplassar i Eidfjord. Eidfjordhallen er inne-arena i vinterhalvåret.

Det er kome innspel frå barn og ungdom om ein ny ballbinge utanfor Lægreid gamle skule. Det er mange som liker å spele uorganisert fotball og det er stort press på den eine ballbingen som me utanfor skulen.

Kunstgras bane på halve grusbana (7 –bane) vert lagt inn i prioritert liste etter ønskje frå idrettslaget. Finansiering etter modell frå fordeling 1/3 av utbyggjar( idrettslaget) 1/3 tippemidlar og 1/3 moms-komensasjon (kommunen).

## Friidrett

Idrettsanlegget på Lægreid er tilrettelagt for friidrett med gruslagt løpebane. Anlegget ber preg av slitasje og alder. Det er lagt nytt dekke på løpebana og det er kome nye sargar. Banen er lite i bruk til organisert idrett, men i større grad til eigenorganisert aktivitet. Idrettslaget arrangerer ”terrengløp” for dei minste klassane i ein periode om våren. Dei siste åra har «Terrengløp for barn» vorte arrangert på Hæreid.

### Hallidrettar

Aktivitetar i hallen er i dag:

- Volleyball
- Badminton
- Spinning
- Styrketrening
- Intervalltrening
- Stepp
- Fotball
- Bedriftstrening

Kommune har ein fleirbrukshall, Eidfjordhallen (2001). Golvet i hallen har fått fleire oppmerkingar og vart rehabilitert i 2007/08. I tillegg vart golve i idrettshallen lakka i 2013. Det vart lagt inn fiber i Eidfjordhallen våren 2014 og skiljeveggar i dusjen både i herre og dame garderoben. Nye boltar til fotballmåla i hallen for at dei skal vera meir stabile og hindre ulykker ved velt. Førstehjelp utstyr finst i både idrettshallen og i styrkerommet. Det er bra med aktivitet i hallen i vinterhalvåret måndag –fredag. Grunnskulen, barnehagen og mosjons- grupper nyttar hallen på dagtid. På ettermiddag/kveldstid organiserer idrettslaget treningar og kampar. I tillegg nyttar andre hallen til trening. Hallen er i noen grad arena for større kulturarrangement. Det er ledig kapasitet i hallen, særleg i helg og i sommarhalvåret.

### Spinning

Det er etablert spinningrom i regi av Eidfjord idrettslag. Dei har gradert trening tilpassa ulik intensitet måndag og torsdag. I tillegg er det enkelte grupper som trenger etter egne avtalar med idrettslaget. Rommet vart laga som møterom og har sær sars dårleg ventilasjon.

### Sandvolleyball

Det vart etablert sandvolleyball bane i Ostangen i 2009. Den er tilrettelagt for uorganisert trening. I tillegg har idrettslaget, i samarbeid med Team Kvamsdal, hatt treningshelger for ungdom. Det er lagt ny sand på bana.



### Motorsport

Det finnes ikkje anlegg for motorsport i kommunen. Nabokommunen har anlegg for gokart og Trial. Nye anlegg er ikkje planlagt, men bør eventuelt skje gjennom interkommunalt samarbeid.

### Riding

Det etablert ein privat stall med ute-bane for riding. Interessa for hest er stor, og eventuell framtidig utbygging bør skje i eit samarbeid mellom private aktørar.

### Symjing

Kommune har eit offentleg basseng i tilknytning til Samfunnshuset. Det finnes i liten grad eit aktivt symjemiljø i kommunen og idrettslaget gir ikkje tilbod om trening. Bassenget vert nytta til undervisning, offentleg bad og til enkeltpersonar etter avtale. Kommune har også eit terapibasseng knytt opp til helsehuset. I tillegg til terapi vert dette nytta til meir organiserte grupper etter avtale. Terapibassenget er òg nytta til babysymjing ein dag i veka. Det er trong for å finna ein løysing knytt til at bassenget har ein djupna som medfører at ein berre kan bruka halve bassenget til babysymjing og difor ikkje kan ta i mot alle som ønskjer å nytta tilbodet. I tillegg vil dette vera ein fordel for dei andre brukarane av bassenget. Det bør vurderast eit ekstra botngolv slik at ein får nytta bassenget fullt ut og kan gje eit tilfredstillande tilbod.

### Golf

Det er etablert ein privat 6-hols golfbane med treningsbane i tilknytning til hytteområde på Fet i Sysendalen. Brukarane er i stor grad hyttefolk i området.

## **9.4 Nærmiljøanlegg**

Alle har gode moglegheiter for variert fysisk aktivitet ute i naturen. Det er kort veg til skog og mark frå bustadområda. Men endra driftsformer og reduksjon i jordbruket gjer sitt til at kulturlandskapet gror igjen og gamle vegfar blir borte. Dette medfører store utfordringar for å halda turstigane opne for ferdsel. Skjøtsel av kulturlandskapet bør setjast på dagsorden i samarbeid mellom grunneigarar, frivillige organisasjonar, private og det offentlege.

Det er i nærmiljøanlegga mykje av den uorganiserte aktiviteten føregår. Difor er det viktig at uteområda ved institusjonar, bustadfelt og andre område stimulerer til fysisk aktivitet og utfalding.

## **9.5 Friluftsliv**

I Eidfjord er det svært gode tilhøve for aktivt friluftsliv heile året. Historisk sett så har eidfjordingen eit nært tilhøve til naturen og utnytting av ressursane der. Jakt, fiske og friluftsliv i høgjellet er framleis viktig for mange.

Friluftsliv og ulike aktivitetar er også viktige reiselivsprodukt som Destinasjon Eidfjord bør utvikla vidare. Store område med natur saman med tilrettelegging i form av stigmerking, løypepreparering og guida turar/eller på eiga hand gjev eit totalprodukt. Dialog og tenlege grunneigaravtalar sikrar allmenn tilgang til turstigar og skiløyper.

### Turstignett

Det bør leggjast til rette for å motivera folk til å nytta heile kommune sine naturområde. Det må avklarast kven som har ansvaret for merking, tilsyn og vedlikehald. Skilting, merking og gradering må følgja standardisert mal.

I bustadområda og der turstigane har godt dekke bør gode sitjebenkar vera utplasserte slik at rørslehemma kan nytta turstigane. Eidfjord har 15 merka turstiar i øvre Eidfjord og Eidfjord. Vedlikehald av stiane er pr. i dag gjort av Lions, Eidfjord kommune og andre eldsjeler, men me har òg turstiar som ikkje har tilsyn. I neste fireårsperiode vil me arbeida for å få fleire engasjerte for vedlikehald og merking av stiar som i dag ikkje har eit organisert vedlikehaldsprogram.

Sti- og turvegsystemet i Sysendalen består av eit nett med større og mindre stiar, gang- og sykkelveg, private vegar og skiløyper. Det er viktig å utvikle og oppretthalde eit samanhengande, variert og gradert nett for ulike gruppers bruk, inkludert informasjon i form av god skilting og merking. Det er opparbeidd gang- og sykkelveg langs Rv7 mellom Børdølo i aust til Rypebrotet i vest til saman 1782m, og frå Garen over til Liset til saman 1464m. Kommunen har inngått avtale med grunneigarane om sumarvedlikehaldet av gangstien mellom Fet bru og Rypebrotet, denne er 2160m lang. Statkraft har finansiert ein fiskesti på Høl, vedlikehaldet av denne er det grunneigaren som utfører. DNT har og stinett med utgangspunkt i Sysendalen;

- Liset – Simadalen –
- Liset – Rembesdalseter –
- Liset - Kjeldebu
- Brua sør for Høl
- Berastøldalen - Vivelid/Veigdalen

Med opparbeiding og merking av stiar og turvegar følgjer det eit ansvar for vedlikehald. Eigarforhold til bruer må og avklarast. Som utgangspunkt vil kommunen inngå avtale med grunneigarane om rett til å anlegga og drifta stiar og turvegar. Tekniske installasjonar kommunen har teke kostnaden med reknast som kommunal eigedom.

Vedlikehaldsansvaret må avklarast gjennom avtale for den enkelte sti/turveg.

### Skiløyper

Skiløyper Sysendalen sitt totale løypenett er på 81km. Det er eit mål å oppretthalde eit variert løypenett når det gjeld prepareringsstandard. Løypenettet er difor differensiert på standard og vanskelegheitsgrad. I samband med behovet for sikker kryssing av vassdrag, spesielt vinterstid med tung løypeprepareringsmaskin, har Statkraft lagt ut røyr i Leiro og i Bjoreio ved Maurset Fjellpark. Disse installasjonane meiner Statkraft er Statkraft si eigedom og ansvar. DNT har og løypenett med utgangspunkt i Sysendalen frå Fet mot Veigdalen. I tillegg er det DNT-løype som kjem frå Kjeldebu – kryssar Rv 7 ved Våkavadet og går inn Bjoreidalen

Område for skiløyper er regulert i arealplan for Sysendalen. Organisering, opparbeiding og løypekøyring skjer i samarbeid mellom grunneigarane, næringslivet, Sysendalen skisenter og hyttevelforeiningane i dalen. Sysendalen Skisenter AS har som målsetting å gjennomføre dei planane som ligg nedfelt i godkjende sti- og løypeplanen for Sysendalen. Det er planlagt lysløype på Høel og vidareføring av lysløype/sti frå Liseth til Midtbø/Fossli. Det er òg planar om vidareføring av gang/sykkelsti/løypestrase frå Maurset og opp til Bruskorve.

### Turkart

Det er utarbeidd turkart i 2008 som dekkjer deler av kommunen. Kartet skal reviderast knytt til sti- og løypeplanen i Sysendalen og nye løper som òg er GPS merka for bruk av kart, internett o.l. Merkesystemet må følgja standardisert mal. Kartutgjeving med engelsk og tysk tekst skal vurderast.

## **9.6 Fysisk aktivitet**

Idrett og fysisk aktivitet har eigen verdi. Meistring av fysisk oppgåver og utfordringar gjennom trening skapar positiv sjølvkjensle og tenking. Opplevingar i naturen kan også gje mennesket same positive påverknad.

Fysisk aktivitet fremjar helse og livskvalitet, og fysisk aktivitet i eit folkehelseperspektiv handlar om å gje alle grupper høve til fysisk aktivitet kvar dag. I tillegg kjem tilbod om organisert og eigenorganisert aktivitet i fritida. Å utjamna sosiale skilnader innan helse er eit satsingsfelt. Fleire med god helse, reduserte helseskilnader i befolkninga og auka tilgjenge er nasjonale mål i folkehelsearbeidet.

Det er kommune som gjennom si planlegging har eit særleg ansvar for å sikre at folk kan vera aktive kvar dag. Men det er ikkje berre ei offentleg oppgåve. Folk kan sjølve påverka eiga helse. Kommunen føretok i 2010 ei kartlegging av ynskje om tilbod for eldre over 60 år i Eidfjord. Største svarprosenten fekk aktivitetar som gjeld med felles trim med instruktør turgåing, symjing og senioruniversitet/datakurs. Dette kan tyda at ”unge eldre” i kommune er opptatt av eiga helse både fysisk og mentalt. I 2012 starta ein opp med Gå-gruppe leia av folkehelsekoordinator. Kommunen har for tida ingen eigen stilling som folkehelsekoordinator.

Folkehelsearbeid må skje i samarbeid mellom kommunen, innbyggjarane, lag og organisasjonar, bedrifter og fylkeskommunen. Kommune har eit særleg ansvar når det gjeld god informasjon om tilbod om rekreasjon og aktivitet for alle. Organisasjonar og bedrifter må bli samarbeidspartnarar i folkehelsearbeidet.

Helseavdelinga og kulturavdelinga kommune har for tida slike aktivitetsplanar for særskilde grupper:

- Trening med rådgjeving av fysioterapeut og terapibasseng, ein kveld i veka
- Terapibassenget er open for eigenaktivitet i arbeidstida (man –fre)
- Frisklivsentrar – høve til å få hjelp til livsstilsendingar
- Babysymjing
- Fritidssenter

I 2014 starta ein opp med babysymjing i terapibassenget på kommunehuset. Halve bassenget er så djupt at det ikkje er mogleg å bruka ved babysymjing. Det er difor trong for å leggja ein ekstra botn i bassenget som gjer at ein har høve til å «stå på botn». På denne måten kan ein opna opp for ein dobling av antal brukara. I dag er det berre plass til 5 brukarar om gongen, og ventelistene er lange. I tillegg er det andre brukarar som ønskjer å ha moglegheita til å ha høve til «å nå ned til golvet» når dei er i bassenget.

## 10 Prioritert handlingsplan

Prioritert handlingsprogram dannar grunnlaget for vidare utbygging av anlegg og område for idrett og friluftsliv i kommunen i komande fireårsperiode. Ei samla vurdering av framdrifta av dei ulike tiltaka, og eventuelle nye føresetnader og behov avgjer om planen må rullerast i løpet av fireårsperioden.

Kostnader knytt til drift og vedlikehald av anlegga skal inngå i planen. Planen ligg som vedlegg, og vert vurdert rullert kvart år i samband med økonomiplanen.

### 10.1 Spelemiddelordninga

Det kan søkjast tilskot frå spelemidlane til bygging og rehabilitering av idrettsanlegg som er opne for allmenn idrettsleg verksemd og ikkje underlagt kommersielle interesser. Det kan søkjast om tilskot frå spelemidlane til ordinære anlegg (omfattar også friluftsanlegg og rehabilitering av anlegg) og nærmiljøanlegg. Søknaden må vera fullstendig, og om naudsynt teknisk godkjent, og innsendt til kommunen innan fristen. Kommunen over sender søknadene elektronisk til fylkeskommunen.

Fylkeskommune føretek tildeling av spelemidlane på vegne av Kulturdepartementet. Før søknadene vert oversendt fylkeskommunen skal kommune prioritera søknadene innan dei to kategoriane.

Den viktigaste målgruppe for spelemidlar for nærmiljøanlegg er barn (6-12 år) og ungdom (13-19 år)

#### **Følgjande krav vert sett til søknaden:**

Planar som er lagt til grunn for søknaden skal vera førehandsgodkjende. Godkjenninga er i dei fleste anlegg delegert til kommunen.

Tiltak det vert søkt om stønad til skal vera del av godkjend kommunedelplan.

#### Ordinære anlegg

Som hovudregel kan ein søkje om tilskot på inntil 1/3 av godkjent kostand til bygging og/eller rehabilitering av ordinære anlegg. Det er sett ei nedre grense for totalkostnad på kr 150 000 for tilskot.

Utandørs badeplassar er ikkje del av stønadsordninga. Men det kan søkjast om tilskot til aktivitetsområde og/eller sanitæranlegg knytt opp mot badeplassar. Dette gjeld også tiltak for rørslehemma.

Friluftsliv anlegg

Friluftslivsanlegg ( dagsturhytter, turvegar, turløyper, turstigar): 50 % tilskot av godkjend kostnad, maksimalt kr. 1 000 000,- . )

Nærmiljøanlegg

For nærmiljøanlegg kan det gjevast stønad med inntil 50% av godkjende kostnader av grensa oppover til kr 300 000. Nedre kostnadsramme er kr 50 000.

## 10.2 Handlingsplan for anlegg og område formidrett og friluftsliv 2017-2010

Prosjekta er oppført i prioritert rekkjefølgje innan kvar anleggsgruppe

| Anlegg                                  | Inv.kostnad | Drift | Anleggstart – finansiering(i 1000 kr) |                 |       |      |
|---|-------------|-------|---------------------------------------|-----------------|-------|------|
|   |             |       | 2017                                  | 2018            | 2019  | 2020 |
| <b>Ordinære</b>                         |             |       |                                       |                 |       |      |
| <b>Nybygg idrettshallen</b>             | 4500        |       |                                       | K 4500          |       |      |
| <b>**Rehabilitering av idrettsbanen</b> | 500         |       |                                       |                 | K 500 |      |
| <b>Miniatyrskyttebane</b>               |             |       |                                       |                 |       |      |
| <b>** Turkart</b>                       | 300         |       | K 300                                 |                 |       |      |
| <b>Toalettanlegg i Simadal</b>          |             |       | P<br>SM<br>K momskompensasjon         |                 |       |      |
| <b>Sentrumsplan/aktivitet</b>           | 500         |       |                                       | K 300<br>SM 200 |       |      |
| <b>Kunstgrasbane</b>                    |             |       |                                       |                 |       |      |

K = kommunale midlar, SM = spelemidlar, P= private midlar

\*\* Tiltaka er vidareført frå forgje plan og midlane er sett av på disposisjonsfond.

### Merknader til handlingsplan i prioritert rekkefylje

- Utviding av idrettshall med treningsrom og spinning rom.
- Hoppegrop, og led ljøs rundt løpebanen
- Innkjøp av apparat som innbyr aktivitet for folk i aldra i Ostangen
- Det er avsett midlar for oppgradereing av kart (ut på tur i Eidfjord) Tiltaket er vidareført frå forgje plan og midlane er sett v på disposisjonsfond
- EIL ønskjer nytt toalettanlegg i Sima. Dei har fått løyve til bruk av grunn frå Statkraft og vil bygget vert finansiert gjennom egne midlar og spelemidlar
- Aktivitetsområde for ungdom/barn : Skate/rulleskøyte/BMX bane
- Eidfjord idrettslag ønskjer å gjera deler av grusbanen om til kunstgrasbane. Finansiering etter fordelingsnøkkel.

## 11. Handlingsplan for fysisk aktivitet

| Tiltak  | Ansvarleg   | Kostnad | År           |
|---|---|---------|--------------|
| Trening for eldre i idrettshallen                   | Frivillige/<br>kommunen(fysioterapi)/idrettslaget |         | 2017<br>2020 |
| Trening i styrkerommet for ungdom                   | Kommunen/idrettslaget                             |         | 2016<br>2020 |
| Inngå partnerskaps-<br>Avtale med<br>Frivillige org | Kommunen  |         | 2017<br>2020 |
| Gå grupper for alle<br>dagtid/kveld                 | Frivillige  |         | 2017<br>2020 |

## 12. Uprioritert liste over langsiktige behov for idrettsanlegg og friluftsområde 2011-2021.

Lista er basert på innkomne behov og ynskje. Ved den årlege rulleringa er det berre tiltak som står på denne lista som vert vurdert.

| Anlegg                                    | Stad    | Eigar/<br>utbyggjar | Estimert<br>kostnad |
|---|---------|---------------------|---------------------|
| Motorcross sommar/vinter (snøskuter)      |         |                     |                     |
| Nytt skitrek/bmx/sykkeløype i kombinasjon | Maurset |                     |                     |